

Neformalni studijski program

KORIJENI *i* IDENTITET

Da Bosna ostane dio tebe



GAZI HUSREVI-BEGOVA
BIBLIOTEKA
U SARAJEVU





ZAŠTO „KORIJENI I IDENTITET“?

U svijetu koji se brzo mijenja, mladim ljudima, a posebno onima koji odrastaju daleko od zemlje porijekla svojih roditelja i predaka, pitanje identiteta postaje jedno od ključnih.

Gazi Husrev-begova biblioteka u Sarajevu je od davne 1537. godine riznica naše tradicije i postojani čuvar identiteta.

Ljetna škola „Korijeni i identitet“ je naš odgovor na potrebu da se mladima iz bošnjačke dijaspore pruži prilika da dožive i razumiju svoj bošnjački islamski i evropski identitet.

Osmišljena je kao jedinstveno obrazovno iskustvo, kao doživljaj koji ostavlja trag i trajno povezuje mlade ljude sa korijenima na kojima počiva njihov identitet - *da Bosna ostane dio tebe*.





ŠTA JE LJETNA ŠKOLA „KORIJENI I IDENTITET“?

Ljetna škola „Korijeni i identitet“ je neformalni studijski program kojeg organizira Gazi Husrev-begova biblioteka u Sarajevu pod pokroviteljstvom Rijaseta Islamske zajednice u Bosni i Hercegovini. Predstavlja desetodnevni edukativni, kulturni i duhovni program namijenjen mladima (17–25 godina) uz džemata Islamske zajednice u zemljama zapadne Evrope.

Kroz predavanja, radionice, terensku nastavu i kulturne programe, učesnici imaju priliku da Bosnu i Hercegovinu upoznaju kao historijsku činjenicu, ali i kao živu vrijednost i dio vlastitog identiteta. Pažljivo osmišljeni programi ljetne škole „Korijeni i identitet“ polaznicima nude jedinstvenu priliku neposrednog i iskustvenog učenja o islamskoj tradiciji Bošnjaka, ali i razumijevanje bosanske tradicije islama kao neodvojivog dijela evropske civilizacijske tradicije.





KOME JE NAMIJENJENA OVA ŠKOLA?

Ljetna škola je namijenjena mladima bošnjačkog porijekla uzrasta od 17 do 25 godina, koji žive u Njemačkoj, Austriji, Švicarskoj, Skandinaviji, Francuskoj, Beneluksu i drugim zemljama Evrope, onima koji žele razumjeti svoje porijeklo, vjeru i kulturu, koji traže prostor znanja, dijaloga i pripadnosti.

Ovo je škola za mlade koji žele da slojevitost svoje pripadnosti dožive kao privilegiju, a ne teret, koji hoće biti most između Bosne i Evrope, a ne rastrgani između ta dva svijeta.





ZAŠTO JE POTREBNA ŠKOLA „KORIJENI I IDENTITET“?

Mladi ljudi koji potječu iz zajednica sa snažnim kulturnim i duhovnim naslijeđem, a odrastaju daleko od domovine svojih predaka, nerijetko se nalaze u procjepu između dvaju svjetova - onog u kojem žive i onog kojem pripadaju po porijeklu, sjećanju i porodičnom narativu. Ta dvostruka stvarnost može biti izazovna, ali i plodonosna ukoliko se mladima ponudi prostor da autentično razumiju, prihvate i afirmiraju vlastite korijene.

Iz te potrebe, ali i iz odgovornosti prema budućnosti naše zajednice, proizašla je ideja ljetne škole „Korijeni i identitet“ koja nudi priliku da kroz iskustvo, znanje i zajedništvo iznova uspostave vezu sa Bosnom i Hercegovinom, zemljom iz koje potiču njihovi roditelji, djedovi i nane.





ŠTA ŽELIMO POSTIĆI?

Pažljivo osmišljen program koji realiziraju vrhunski stručnjaci iz različitih oblasti usmjeren je ka ostvarivanju višeslojnih ciljeva:

Edukacija

- upoznati mlade s historijom, kulturom i baštinom BiH
- razumjeti islamsku tradiciju Bošnjaka u evropskom kontekstu

Identitet

- osnažiti osjećaj pripadnosti vjeri i domovini
- izgraditi stabilan i integriran identitet Bošnjaka u evropskom kontekstu

Povezivanje

- povezati mlade iz različitih zemalja
- formirati mrežu budućih lidera i ambasadora BiH





ŠTA ŠKOLA SADRŽI?

Na temelju višestoljetnog iskustva u čuvanju i širenju znanja nudimo jedinstvenu kombinaciju klasičnih predavanja, interaktivnih sadržaja i putovanja.

Predavanja i tematski blokovi

- historija Bosne i Hercegovine
- kulturna i rukopisna baština
- islamska tradicija Bošnjaka
- savremeni izazovi identiteta

Radionice

- kreativne radionice
- identitetske mape
- lične priče i dijalog
- komunikacijske i liderske vještine

Terenska nastava i izleti

- Kulturni centri: Sarajevo, Travnik, Jajce, Banja Luka
- Mjesta pamćenja: Srebrenica – Potočari, Kozarac - Kamičani
- Prirodne ljepote: Bjelašnica (Umoljani i Lukomir)



VIŠE OD UČENJA ILI TURIZMA

Ljetna škola „Korijeni i identitet“ osmišljena je tako da ne bude „još jedna škola“ sa beskrajnim predavanjima, a ni desetodnevna ekskurzija kakve prave turističke agencije, nego sretna kombinacija jednog i drugog, na način da se sadržaji međusobno nadopunjuju i čine školu i korisnim i zabavnom.

Uz predavanja, radionice i putovanja, ljetna škola nudi autentična i jedinstvena iskustva kao što su zajednički ibadeti i duhovni razgovori, kulturne večeri (knjige, filmovi, ilahije, sevdah) i susreti s umjetnicima i intelektualcima.





ISKUSTVO KOJE TRANSFORMIRA I TRAJE

Šta učesnici nose sa sobom?

Neprocjenjivo iskustvo stečeno kroz različite module i programe ljetne škole polaznicima osiguravaju nova znanja i perspektive o vlastitoj prošlosti, jeziku, duhovnosti, korijenima i identitetu. Kroz desetodnevni program škole polaznici imaju priliku upoznati vršnjake iz cijele Evrope. Pažljivo osmišljeni sadržaji ljetne škole osiguravaju da svi polaznici, uz diplome, dobiju i osjećaj pripadnosti i vjeri i domovini, ali i osjećaj sigurnosti u vlastiti identitet.





ŠTA NAKON ŠKOLE?

Od samog početka rada na ovoj ideji, na projektu organizacije ljetne škole „Korijeni i identitet“, plan je da za njene polaznike završetkom programa, ne dolazi kraj, nego početak. Vjerujemo da škola ima potencijala da se u budućnosti na temelju rezultata njenog rada formira alumni mreža polaznika škole koji će biti trajno povezani, ali i koji će imati kapacitete za buduće saradnje na projektima koji su na dobrobit Islamske zajednice, našeg naroda i domovine Bosne i Hercegovine.





OSNOVNE INFORMACIJE

VRIJEME: 17–26. juli 2026.

MJESTO: Sarajevo + edukativni izleti

BROJ UČESNIKA: 30

UZRAST: 17–26 godina

ORGANIZATOR:

Gazi Husrev-begova biblioteka u Sarajevu

PARTNERI:

- Rijaset Islamske zajednice u u Bosni i Hercegovini
- Uprava za obrazovanje i nauku Rijasetu Islamske zajednice u Bosni i Hercegovini
- Muftijstvo za Zapadnu Evropu
- Muftijstvo sarajevsko
- Gazi Husrev-begova medresa u Sarajevu





KAKO SE PRIJAVITI?

KOTIZACIJA: 450 EUR (900 KM) - po učesniku

U KOTIZACIJU JE UKLJUČENO:

- smještaj u srcu Bašćaršije
- puni pansion tokom cijelog trajanja škole
- svi edukativni i kulturni programi
- terenska nastava i organizirani izleti
- putničko zdravstveno osiguranje za sve učesnike
- radni materijali i prigodni pokloni

Prijave za učešće putem elektronskog obrasca,
kao i detaljan program škole,
biće otvorene na web stranici Biblioteke (www.ghb.ba)
prvog dana ramazana - **19. februara 2026. godine.**



**ISLAMSKA ZAJEDNICA
U BOSNI I HERCEGOVINI**
RIJASET



**ISLAMSKA ZAJEDNICA
U BOSNI I HERCEGOVINI**
RIJASET
Uprava za obrazovanje i nauku



**ISLAMSKA ZAJEDNICA
U BOSNI I HERCEGOVINI**
MUFTIJSTVO
ZA ZAPADNU EVROPU



**ISLAMSKA ZAJEDNICA
U BOSNI I HERCEGOVINI**
MUFTIJSTVO SARAJEVSKO



BOŠNJAČKI INSTITUT
FONDACIJA ADILA ZULFIKARPAŠIĆA